

張氏室遺集

張雨田題



箋經室遺集卷十八

吳縣 曹元忠 撰

後學 王大隆 編

祕殿集李義山句

修門十載更歷萬狀欲言不敢爲思公子長歌當泣取近婦人託旨閨幃從事義
山雖效尤西崑擲擿彌甚而曲終奏雅義歸麗則所謂國人盡保展禽酒肆無疑
阮藉玉谿生儻許我乎作祕殿篇

祕殿崔巍拂彩霓玉山高與閨風齊思牢弩箭磨青石鸞鵲天書溼紫泥雌鳳孤飛
女龍寡飢烏翻樹晚雞嘯風光冉冉東西陌阿閣華池兩處棲

簾鉤鸚鵡夜驚霜侍女吹笙弄鳳凰願得句芒索青女本來銀漢是紅牆狂飈不惜
蘿陰薄月露誰教桂葉香唯有綠荷紅菡萏九龍呵護玉蓮房

蓬巒仙仗儼雲旗憶向天階問紫芝露氣暗連青桂苑靈風正滿碧桃枝但須鸞鷟
巢阿閣唯與蜘蛛乞巧絲桃葉桃根雙姊妹披香新殿門腰支

清月依微香露輕龍池賜酒敞雲屏沈香夾煎爲庭燎上帝鈞天會衆靈玉璽不緣

歸日角金蓮無復印中庭迴廊檐斷燕飛出十二玉樓無故釘

永巷長年怨綺羅風光今日兩蹉跎從來此地黃昏散望斷平時翠輦過滄海月明珠有淚長亭歲盡雪如波鴛鴦可羨頭俱白一夜芙蓉紅淚多

分隔休鐙滅燭時霜天白菊繞階墀未容言語還分散恐是仙家好別離憶得鮫絲裁小卓收將鳳紙寫相思更無人處簾垂地雨落月明俱不知

長樂遙聽上苑鐘生年二十有重封已隨江令誇瓊樹本爲留侯慕赤松雲路招邀迴彩鳳玉壺傳點咽銅龍且吟王粲從軍樂書被催成墨未濃

關東裨將建行臺虜騎胡兵一戰摧敵國軍營漂木枳奉天城壘長春苔徒令上將揮神筆便是胡僧話劫灰可惜前朝元菟郡西師萬衆幾時迴

海外徒聞更九州欲迴天地入扁舟漢廷急詔誰先入星使追還不自由已斷燕鴻初起勢更無鷹隼與高秋班騅只繫垂楊岸萬里誰能訪十洲

誰定當時盪寇勳報章重疊杳難分前身應是梁江總繡被猶堆越鄂君梓澤東來七十里祝融南去萬重雲滿宮學士皆蓮色徒望朝嵐與夕曛

白社幽閒君暫居茂陵秋雨病相如可憐夜半虛前席猶得三朝託後車日落高門喧燕雀浪乘畫舸憶蟾蜍身閒不覩中興盛梁父吟成恨有餘

東閣無因再得窺西州今日忽相期良工巧費眞爲累羽翼殊勳棄若遺下苑經過
勞想像上清淪謫得歸遲當時自謂宗師妙卻是君王未備知

碧城十二曲闌干密邇平陽接上蘭中禁詞臣尋引領青袍御史擬休官深知身在
情長在相見時難別亦難昨夜西池涼露滿常娥衣薄不禁寒

此夜西亭月正圓出雲清梵想歌筵伶倫吹裂孤生竹龍伯擎將華岳蓮大海龍宮
無限地含冰漢語遠於天只應旣斬斯高後徐福空來不得仙

促漏遙鐘動靜聞松州猶駐殿前軍平明赤帖使修表多少分曹掌祕文好爲麻姑
到東海欲書花片寄朝雲清聲不遠行人去海客乘槎上紫氛

通靈夜醮達清晨睡鴨香爐換夕熏玉簡賜書迷鳳篆青松手植變龍文腰懸相印
作都統手接雲輶呼太君自是當時天帝醉雲臺高議正紛紛

鸞扇斜分鳳幄開中元朝拜上清迴崇文館裏丹霜後元武湖中玉漏催檢與神方
教駐景遠聞鼉鼓欲驚雷如何漢殿穿鍼夜冀馬燕犀動地來

虎踞龍蹲縱復橫三年從事亞夫營枉教紫鳳無棲處欲舉黃旗竟不成海闊天翻
迷處所冷灰殘燭動離情漫誇鶯子眞羅漢不得蕭公作騎兵

永壽兵來夜不扃景陽鐘墮失天明離鸞別鳳今何在紫蝶黃蜂俱有情細路獨來

當此夕禁門深掩斷人聲不須看盡魚龍戲八馬虛追落日行

含羞迎夜復臨臺密鑲重關掩綠苔願去閨年留月小不知迷路爲花開粉蛾貼死
屏風上玉虎牽絲汲井迴王母西歸方朔去穆王何事不重來

華清恩幸古無倫淪謫千年別帝宸閨苑有書多附鶴寶釵何日不生塵紅樓隔雨
相望冷錦瑟驚絃破夢頻莫恨名姬中夜沒更須重見李夫人

朝陽閣迴羽衣新獨下長亭念過秦未遣星妃鎮來去只教天子暫蒙塵金輿不返
傾城色玉樹未憐亡國人猶鑲平時舊行殿年年春綠上麒麟

迴望高城落曉河咸陽宮闕鬱嵯峨皇都陸海應無數香炮鎧光奈爾何憐我秋齋
夢胡蝶老憂王室泣銅駝天津西望腸真斷此去秦關路幾多

潼關地接古弘農橫過甘泉豹尾中斑竹嶺邊無限淚樂游原上有西風玉桃偷得
憐方朔香棗何勞問石崇俱是蒼生留不得遠含雞舌過新豐

送到咸陽見夕陽久留金勒爲迴腸漢陵走馬黃塵起驪岫飛泉汎暖香灞水橋邊
倚華表蓮花峯下鑲彫梁空聞虎旅傳宵柝玉殿秋來夜正長

樂游春苑斷腸天省對流鶯坐綺筵吳岳曉光連翠巘石城景物類黃泉重吟細把
眞無奈對影聞聲已可憐欲織相思花寄遠五雲章色破巴箋

漳宮舊樣博山鑪離思羈愁日欲晡運去不逢青海馬平生誤識白雲夫亦逢毛女
無聊極欲逐羲和去得無滄海月明珠有淚愁將鐵網罟珊瑚

背闕歸藩路欲分可憐榮落在朝昏君王不得爲天子暗室由來有禍門若向南臺
見鶯友至今青海有龍孫將來爲報姦雄輩上帝深宮閉九閭

二年歌哭處皆同百尺方資柱石功益德冤魂終報主韓公本意在和戎城中獬犬
憎蘭佩牢合金魚鎖桂叢謝墅庾村相弔後素琴絃斷酒瓶空

宣室求賢訪逐臣紅蓮幕下紫梨新楚辭已不饒唐勒國事分明屬灌均雪嶺未歸
天外使翠華空憶洛中春閨門日下吳歌遠他日扁舟有故人

聞道閨門萼綠華今朝青鳥使來賒峽中尋覓長逢雨洞裏迷人有幾家閒倚繡簾
吹柳絮更持紅燭賞殘花當時若愛韓公子萬古貞魂倚暮霞

九枝鐙檠夜珠圓初夢龍宮寶焰然碧草暗侵穿苑路玉琴時動倚窗絃青陵粉蝶
休離恨南浦老魚腥古涎欲就麻姑買滄海可能留命待桑田

橐鞬無事但尋春不爲君王殺灌均朱槿花嬌晚相伴白楊別屋鬼迷人兩都耆舊
偏垂淚幾處冤魂哭虜塵陛下好生千萬壽未知何路到龍津

不踏金蓮不肯來自埋紅粉自成灰紫雲新苑移花處黃竹歌聲動地哀何處更求

迴日馭君王長在集靈臺武皇內傳分明在從古窮兵是禍胎

偷看吳王苑內花龍山晴雪鳳樓霞於今腐草無螢火終古蒼梧哭翠華堪歎故君成杜宇坐視世界如恆沙迴鑾佛寺高多少枉破陽城十萬家

九廟無塵八馬迴年華憂共水相催荔枝盧橘沾恩幸玉液瓊蘇作壽杯半曲新詞寫繇紙萬靈迴首賀軒臺君王曉坐金鑾殿哀痛天書近已裁

含煙帶月碧於藍舊主江邊側帽欄冰簟且眠金鏤枕玉樓仍是水精簾郎君官貴施行馬月姊曾逢下彩蟾自是明時不巡幸九重誰省諫書函

翠華無日到東方乘運應須宅八荒沛國東風吹大澤金陵王氣應瑤光天池寥闊誰相待中路因循我所長曾苦傷心不忍聽衆仙同日詠霓裳

鳳詔裁成當直歸清光旋透省郎闈蝶含花蕊蜂銜粉日射紗窗風撼扉漢苑風煙催客夢信陵亭館接郊畿長吟遠下燕臺去城郭休過識者稀

嘉辰長短是參差九日尊前有所思神女生涯原是夢楚天雲雨盡堪疑一年幾度枯榮事萬戶千門開閉時空記大羅天上事寒灰劫盡問方知

昨夜集李義山句

昨夜蒼龍是人間武帝孫楚腰知便寵蜀魄有餘冤盡欲心無竅終遭耳屬垣迴頭

問殘照只是近黃昏

九服歸元化三靈仰睿文金書惟是見玉管有時聞夫子時之彥貽孫計甚勤如何匡國分速擬上青雲

矮墮綠雲髻玉房梳掃餘輕於趙皇后瘦極沈尙書知處黃金鑠未登油壁車穰苴司馬法長短定何如

只要君流盼嬌郎癡若雲官書推小吏廝養爲將軍徙倚三層閣追隨五帝君聖朝推衛霍許刻鎮南勳

腸斷靈和殿傳聞近太清空拳轉鬥地叩額慮興兵赤羽中要害彤廷歛戰爭四郊多壘在幾欲是吞聲

有美扶皇運人前道得無賈生兼事鬼方朔是狂夫火箭侵乘石軍烽照上都從臣皆半醉唯喝遶牀盧

象卉分疆近龍沙萬里強獻書秦逐客壞宅漢諸王大勢真無利茲身亦厚亡幽囚蘇武節何日免殊方

共入留賓驛搜求縛虎符那修直諫草翻作弛刑徒敢望垂堂誠因勞下殿趨但聞虜騎入此路向皇都

低扇遮黃子重簾挂紫繩臨危對盧植不待相孫弘莫學嘸成血今傷淚滿膺馬前烹莽卓仍計腹爲鎧

不見華胥夢虛傳甲帳神唯應碧桃下慙愧白茅人複壁交青鑲銜枚別紫宸君王不可問只是更沾巾

置驛推東道強兵臨北邊倉黃傳國璽傲兀逐戎旃猜貳誰先致愁情相與懸國租容客旅得失在當年

捧月三更斷窮陰四塞昏蠻僮騎象舞諸將如羸奔玄武開新苑昭君覓故村宸襟他日淚一灑問乾坤

興欲傾燕館家多事越巫圖形翻類狗旋踵戮城狐慷慨資元老逢迎異紫姑暫能誅倏忽直是滅荏苒

隱忍陽城笑咨嗟趙卒坑軍書雖倚馬時節正遷鶯上掌真何有中心最不平羌戎正狂悖不夜見欃槍

南詔知非敵西遷冀小康瑤姬與神女郿塢抵陳倉世界微塵裏乾坤百戰場殊鄉竟何禱下馬捧椒漿

翠帶花錢小荒廬積古苔還將兩袖淚竟絕一人來仁壽遺明鏡昆池換劫灰鳳翔

三百里吟斷望鄉臺

急景倏云暮歸途尙阻修只聞涼葉院更起月華樓寇盜纏三輔神仙居十洲寶匳拋擲久玉局敗棊收

不見千金子當爲萬戶侯玉童收夜鑰珠串咽歌喉警露鶴辭侶迎冬雉獻裘夫君自有恨獨映鈿篋篋

天上參旗過城頭疊鼓聲中原重板蕩上將更要盟事等和強虜軍須竭地征去年相送地此日頗分兵

好向金鑾殿先皇玉座空馬卿聊應召魏絳喜和戎青海聞傳箭金橋罷舉烽近聞開壽讌卻擬笑春風

酒薄吹還醒樓危凭亦頻人言真可畏天道亦無親鄭邑來雖及梁園去有因生歸話辛苦沙鳥犯鉤陳

甌破寧迴顧相思正鬱陶渚蓮參法駕青草妒春袍異域東風溼天文北極高京華他夜夢更遠尙呼號

仙子玉京路棄之無慘顏空園兼樹廢高閣已苔斑秋蝶無端麗煙蘿不暇攀仰鞭宵蛛網不斷若尋環

搖落傷年日歸來始更悲此生真遠客九死諒難追獨夜三更月青鐙兩鬢絲始知同泰講佞佛媿虛辭

愁絕更傾國巍巍政事堂乘軒甯見寵橫戟豈能當願保無疆福尋思有底忙笑嚔俱不敢名譽底相傷

高閣客竟去故園蕪已平長懷五穀贖容易八蠻驚越鳥誇香荔湘蘭怨紫莖甯同魯司祿眷屬有文星

多士還魚貫蕭蕭髮影涼早朝披草莽吞日倚樽桑故事留臺閣前期託報章鳳皇傳詔旨貢絕孝廉郎

寡和真徒爾端憂復至今脫身離虎口長嘯作鸞音星斗同秦分江湖動越吟欲陳勞者曲箏柱鎮移心

楚雨集題詞集李義山句

含煙惹霧每依依十二峯前落照微爲問翠釵釵上鳳每朝珠館幾時歸
杜蘭香去未移時珠箔輕明拂玉墀盡日傷心人不見空教楚客詠江蘼
楚王葬盡滿城嬌莫損愁眉與細腰料得也應憐宋玉女蘿山鬼語相邀
十二玉樓空更空楚歌重疊怨蘭叢豈知爲雨爲雲處只有襄王憶夢中

陽臺白道細如絲莫道人閒總不知楚雨含情皆有託非關宋玉有微辭
風簾殘燭隔霜清郢曲新傳白雪英縱使有花兼有月草閒霜露古今情

失題

厄運流畿甸凶徒黨羽盤天師五斗米地主八神壇詭造蒼黃讖頻探赤白丸蚩氓
何足責覆餗在朝端

殺使踵西域通和迂北朝是誰爲戎首辱到抱胡腰奇恥中原召危言大局搖比聞
韓侂胄函首女眞朝

題端午橋中丞方秦權拓本

秦岱琅邪久劫灰尙聞金識出蒿萊此行得見臣斯筆不枉東門上蔡來

漂零金石訪中州幸有先秦古器留十載美陽殘夢冷爲君重話舊山樓

謂同郡趙次侯宗建

所藏權有美陽二字

題午橋中丞漢長沙鈐拓本

長沙舞袖太郎當空上高臺弔定王今日相縣二千載恍從文廟見塗黃

塗鈐即塗金也綬和

壺謂之黃塗見嘯堂集古錄

猶有西京法物存摩挲款識證傳聞武安家在應須族爭較區區卅二斤

薛尙功鐘鼎款識有

武安侯家鈔容一石二斗重冊二斤視此云文廟銅
鈔一容四斗重十八斤十二兩長沙元年造爲大矣

丙午七夕

玉露金風送夕涼柳梢新月又昏黃離多況遇今年閨會短應忘此夜長共待星槎
迴海客要看雲漢布天章百僚尙試私人子韜璫空勞織七襄

送趙芷生侍御還湘

忽聞鳴鳳起朝陽旋下銅觚別建章周難未忘嫠恤緯楚言祇解癘憐王但愁世事
由天醉誰信人間正夜長聽唱難趨牆上曲台司千萬更何妨
故都王氣鬱嵯峨蔽日浮雲奈爾何請劍上方臣責盡挂冠神武主恩多去辭齊國
應三宿歸作湘纍有九歌手把芙蓉問江水秋風渺渺洞庭波

又集李義山句

翠減紅衰愁殺人殘花嘔露莫留春後堂芳樹陰陰見白髮如絲日日新楚雨含情
皆有託賈生才調更無倫看封諫草歸鸞掖去作長楸走馬身

香車寶輦隘通衢白社幽閒君暫居願書萬本誦萬過遠循三楚弔三閭湘江竹上
痕無限梁甫吟成恨有餘若向南臺遇鶯友比來秋興復何如

送徐倚虹

兆璋

至日本集李義山句

初聞征雁已無蟬，露欲爲霜月墮煙。
蠟燭嗁紅怨天曙，清尊相伴省他年。
幾時拓土成王道，長遣游人歎逝川。
欲問孤鴻向何處，石橋東望海連天。

四海於今是一家，昔年相望尙天涯。
空歸腐敗猶難復，少得團圓足怨嗟。
珠樹重行憐翡翠，廷評日下握龍蛇。
諸生箇箇王恭柳，晚醉題詩贈物華。

高秋望斷正長吟，花徑逶迤柳巷深。
顧我有懷同大夢，與君相伴灑煩襟。
爭將世上無期別，遠隔天涯共此心。
虛爲錯刀留遠客，東征日調萬黃金。

想像咸池日欲光，謝家離別正淒涼。
遙知小閣還斜照，不遣當關報早霜。
浮世本來多聚散，男兒安在戀池隍。
秋風動地黃雲暮，腸斷斑騅送陸郎。

丁未禮闈分校有作

躑依聖域傍賢關，彝訓堂前數往還。
絕似元家鄉貢試，簾分區別辟雍閒。

近光集載至正元年

復科舉取士即國子監爲試院考試鄉貢進士紀事詩有簾分堂上下區別院西東之句於今情事宛合

張家口早發

辨色上車去，邊關猶晦冥。
風迴捲微月，雲罅閃殘星。
沙路凍逾白，曉山寒更青。
久無南口戍，嚴角向誰聽。

十月二日雪

金經室遺集 卷十 學禮齋
一夜鳳城雪瑤光粲紫衢難施車薄笨且住屋屠蘇噤瘁駝鳴圓曲拳雞上踈苦寒殊瑟縮煨柶共圍鑪

聽陸貽美

曾煒

述白海棠事集李義山句

定子初開睡臉新羅窗不識遶街塵絲來碧落銀河畔家近紅蕖曲水濱玉骨瘦來無一把仙家暫謫亦千春未央宮裏三千女首按昭陽第一人

昭陽第一傾城客金屋修成貯阿嬌獸燄微紅隔雲母鳳城寒盡怕春宵莫因風雨罷團扇虛減宮厨爲細腰今日致身歌舞地當時歡向掌中銷

得寵憂移失寵愁他生未卜此生休一條雪浪吼巫峽對泣風天類楚囚湘淚淺深滋竹色天河迢遞笑牽牛後庭玉樹承恩澤卻惜銀牀在井頭

景陽宮井剩堪悲十二樓前再拜辭盡日傷心人不見皇天有運我無時桂宮流影光難取羅薦春香暖不知若道團圓是明月菱花散亂月輪虧

一生長共月虧盈別樹羈雌昨夜驚鳳女顛狂成久別相思迢遞隔重城豈知爲雨爲雲處悵望江頭江水聲何處更求迴日馭君王猶自不長生

鳳巢西隔九重門風露淒淒秋景繁巧囀豈能無本意報恩惟是有忘言金鞍忽散銀壺漏玉佩呵光銅照昏且向秦樓棠樹下紫蘭香徑與招魂

頤和園詞集李義山句

龍山晴雪鳳樓霞枉破陽城十萬家閒倚繡簾吹柳絮更持紅燭賞殘花於今腐草
無螢火終古蒼梧哭翠華卻憶短亭回首處盡無宮戶有飛鴉

滿眼秋波出苑牆何勞荆棘始悲傷狂飈不惜蘿陰薄月露誰教桂葉香三百年閒
同曉夢五更鐘後更迴腸金徽卻是無情物一曲清塵遶畫梁

雨打湘靈五十絃一絃一柱思華年重吟細把真無奈對影聞聲已可憐堪歎故君
成杜宇可能留命待桑田明朝驚破還鄉夢獨自江東上釣船

村礪塢笛隔風蘿白日相思可奈何猶鑠平時舊行殿空聞子夜鬼悲歌漆鐙夜照
真無數玉輦忘還事幾多但使故鄉三戶在不關秦地有山河

大行皇帝哀詞

尙未爲君裨儉勤三十年恭聞登假後奏進 大行前□□留弓劍容衣設几筵海

邦哀慕遍何況帝光天

多難勤 王業殷憂啓 聖明征遼勞海跨避狄有岐行熒惑移三舍蚩尤息五兵

萬方期布憲曾不待觀成

料晏宮車駕先歸侍 定陵終身持舜慕四海慟堯崩未冷金縢兆餘溫玉几憑鼎

湖龍已去空望白雲乘

失題

乾清宮外閣門邊旦夕臨時禮敢愆今日卻慙崔祐甫看人扶掖哭君前
詔書殿下萬民瞻揮斥詞頭意尙快一笑中書辦文誥未勞鵝酒賜江淹

歲暮漫興

窮巷蕭寥欲雪天散衙封印度殘年坡翁詩思頽唐甚愧有門生饋歲錢
偶檢戎王射獵圖圍場散後罷周陞飢鷹得飽終思颺三館空存味漱書

曾將周密探春慢強解蔡條消夜圖今夕脩門來度歲厭聽兒女遶牀盧

鐵圍山叢談近世兒女戲有消夜圖者多爲博路以競勝負以解草窗探春慢脩門
度歲詞翠盤消夜句家君曰非也彼謂消夜果子耳卽見武林舊事自曠定省已三
年矣觀兒輩戲子選格之戲不禁惘然

深閨如願枉相呼肯把朱顏返故吾博與阿兄同一醉不教最後飲屠蘇

哭沈北山鵬集李義山句

沈約只能瘦三年問訊遲真人塞其內處世鈍如槌未必斷別淚猶應無媿辭英靈
殊未已聽我苦吟詩

辰象森羅正持符開七門小臣觀吉從天子正臨軒有客趨高義無誰薦直言微茫